

Na osnovu člana 23. Zakona o Vladi Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 8/15), Programa utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 - Tekući transferi neprofitnim organizacijama, broj: 07-01-11-2925/24 od 20.05.2024. godine, Odluke Vlade Bosansko-podrinjskog kantona Goražde o davanju saglasnosti na Program utroška sredstava, broj: 03-11-1098/24 od 16.05.2024. godine ("Službene novine Bosansko-podrinjskog kantona Goražde", broj: 5/24), a u vezi sa Zakonom o izvršenju Budžeta Bosansko-podrinjskog kantona Goražde za 2024. godinu ("Službene novine Bosansko-podrinjskog kantona Goražde", broj: 16/23), Vlada Bosansko-podrinjskog kantona Goražde na 82. redovnoj sjednici, održanoj dana 13.06.2024. godine, d o n o s i :

O D L U K U

o odobravanju novčanih sredstava u svrhu realizacije Programa utroška sredstava

Ministarstva za unutrašnje poslove Bosansko-podrinjskog kantona Goražde

sa ekonomskog koda 614300 - Tekući transferi neprofitnim organizacijama

Član 1.

Ovom se Odlukom odobravaju novčana sredstva u iznosu od 3.000,00 KM (slovima/ trihiljadekonvertibilnihmaraka i 00/100) na ime sufinansiranja aktivnosti usmjerenih na afirmaciju i promociju programa iz oblasti unutrašnjih poslova i očuvanju sjećanja na poginule pripadnike policije Ministarstva za unutrašnje poslove Bosansko-podrinjskog kantona Goražde, utvrđenih u Budžetu Bosansko-podrinjskog kantona Goražde za 2024. godinu, na razdjelu 14, organizacionom kodu 141 - Ministarstvo za unutrašnje poslove, na ekonomskom kodu 614300 - Tekući transferi neprofitnim organizacijama ("Službene novine Bosansko-podrinjskog kantona Goražde", broj: 16/23).

Član 2.

Novčana sredstva iz člana 1. ove Odluke uplatiti u korist Udruženja veterana policije regije Goražde 1991. - 1995., na transakcijski račun broj: 132-500-20126314-68, otvoren kod NLB Banke d.d. Sarajevo - poslovnica Goražde.

Član 3.

Ovlašćuje se ministar za unutrašnje poslove Bosansko-podrinjskog kantona Goražde da sa korisnikom sredstava iz člana 2. ove Odluke zaključi ugovor o korištenju sredstava, u kojem će se detaljnije regulisati prava i obaveze.

Član 4.

Za realizaciju ove Odluke zadužuje se Ministarstvo za unutrašnje poslove Bosansko-podrinjskog kantona Goražde i Ministarstvo za finansije Bosansko-podrinjskog kantona Goražde, svako u okviru svojih nadležnosti.

Član 5.

Odluka stupa na snagu danom objavljivanja na službenoj oglasnoj ploči Kantona, a naknadno će se objaviti u "Službenim novinama Bosansko-podrinjskog kantona Goražde".

V L A D A
BOSANSKO-PODRINJSKOG
KANTONA GORAŽDE

Broj: 03 - 11-1098 / 24

13.06.2024. godine

G o r a ž d e

P R E M I J E R

Edin Čulov



Komisija za odabir aplikacija (zahtjeva i projekata) po Javnom pozivu za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama

Broj:07-01-30-2997-4/24
Datum:05.06.2024.


*Sektor za pravne i ekonomske
Odsjek za ekonomske
poslove i javne nabavke*
[Signature]

**BOSANSKO-PODRINJSKI KANTON GORAŽDE
MINISTARSTVO ZA UNUTRAŠNJE POSLOVE
n/r Ministra**

PREDMET: Zapisnik Komisije za odabir aplikacija i Rang lista potencijalnih kandidata po Javnom pozivu broj:07-01-11-2925-1/24 od 20.05.2024. godine

U skladu sa članom 2. Rješenja o imenovanju Komisije za odabir aplikacija (zahtjeva i projekata) po Javnom pozivu za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama, broj: 07-01-30-2997/24 od 22.05.2024., dostavljamo Vam Zapisnike sa održanih sjednica Komisije, Rang listu potencijalnih korisnika, kao i kompletan spis predmeta po Javnom pozivu broj: 07-01-11-2925-1/24 od 20.05.2024. godine.

S poštovanjem,



PREDSJEDNIK KOMISIJE

[Signature]
Edina Subašić

Dostavljeno:
1. Naslovu,
2. U predmet.



Komisija za odabir aplikacija (zahtjeva i projekata) po Javnom pozivu za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama

Broj: 07-01-30-2997-3/24

Dana: 05.06.2024. godine

Z A P I S N I K

sa sjednice Komisije održane dana 05.06.2024. godine u prostorijama Ministarstva za unutrašnje poslove BPK-a Goražde, sa početkom u 11:00h

Sastanku prisustvovali:

1. Subašić Edina, predsjednik;
2. Dedović Amir, član;
3. Huseinović Admir, član.

Sjednica je započela u 11:00h. U uvodnom dijelu, predsjednica Komisije za odabir aplikacija (zahtjeva i projekata) po Javnom pozivu za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama (u daljem tekstu: Komisija), Javni poziv broj: 07-01-11-2925-1/24 od 20.05.2024. godine, utvrdila je da sjednici Komisije prisustvuju svi članovi imenovani Rješenjem ministra broj: 07-01-30-2997/24 od 22.05.2024. godine. Zadatak Komisije je da provede postupak odabira aplikacija (zahtjeva i projekata) apliciranih od strane udruženja sa područja BPK-a Goražde po Javnom pozivu, utvrdi usklađenost sa Programom utroška sredstava, sačini rang listu prijedloga potencijalnih korisnika, te nakon provedenog postupka sačini zapisnik koji će zajedno sa rang listom potencijalnih korisnika dostaviti ministru na dalje postupanje. Predsjednica je predložila tačke dnevnog reda. Svi prisutni članovi Komisije su jednoglasno usvojili dnevni red kako slijedi:

Dnevni red sjednice:

1. Otvaranje i pregledanje pristiglih prijava na Javni poziv broj: 07-01-11-2925-1/24 od 20.05.2024. godine,
2. Ocjenjivanje (vrednovanje i bodovanje) pristiglih projektnih prijedloga u skladu sa kriterijima za bodovanje utvrđene Programom o utrošku sredstava broj:07-01-11-2925/24 od 20.05.2024. godine.
3. Sačinjavanje Rang liste sa potencijalnim korisnicima,
4. Tekuća pitanja.

Ad.1.

U vezi sa prvom tačkom dnevnog reda, predsjednica Komisije je upoznala prisutne članove da je na osnovu člana 21. Zakona o unutrašnjim poslovima ("Službene novine Bosansko-podrinjskog kantona Goražde", broj: 6/15), a u skladu sa Zakonom o izvršenju Budžeta Bosansko-podrinjskog kantona Goražde za 2024. godinu ("Službene novine Bosansko-podrinjskog kantona Goražde", broj: 16/23), Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 6/16 i 12/16) i Programom o utrošku sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 - Tekući transferi neprofitnim organizacijama, broj:07-01-11-2925/24 od 20.05.2024. godine, na koji je Vlada BPK-a Goražde dala saglasnost, Odlukom broj:03-11-1098/24 od 16.05.2024. godine ("Službene novine Bosansko-podrinjskog kantona Goražde", broj: 5/24), Ministarstvo za unutrašnje poslove Bosansko-podrinjskog kantona Goražde, dana 20.05.2024. godine na službenoj web stranici Vlade BPK-a Goražde

www.bpkg.gov.ba i dana 21.05.2024. godine na radio-televiziji RTV BPK Goražde, raspisalo Javni poziv za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama (u daljem tekstu: Javni poziv), broj:07-01-11-2925-1/24 od 20.05.2024. godine. Rok za prijave na Javni poziv je 10 dana od dana objavljivanja, tako da su članovi Komisije konstatovali da je krajnji rok za prijave na Javni poziv bio 31.05.2024. godine.

Predsjednica Komisije je upoznala prisutne da je od službenika Pisarnice zatražena službena zabilješka u kojoj je potrebno saopštiti broj zaprimljenih prijava po predmetnom Javnom pozivu. Na osnovu Službene zabilješke broj: 07-02-11-3290/24 od 05.06.2024. dostavljene od strane namještenika Kajević Bisere, kao i prebrojavanjem dostavljenih prijava (koverti), Komisija konstatuje da je za predmetni Javni poziv zaprimljeno ukupno jedna (1) prijava. Predmetna prijava na Javni poziv je zaprimljena na protokol Pisarnice u sjedištu Ministarstva za unutrašnje poslove Bosansko-podrinjskog kantona Goražde, u ul. Zaima Imamovića 5, 73000 Goražde, dana 29.05.2024. godine.

Komisija konstatuje da je zaprimljena 1 prijava po Javnom pozivu, te da je zaprimljena prijava blagovremena, odnosno dostavljena u traženom roku.

Komisija je pristupila otvaranju i pregledanju zaprimljene prijave. Članovi Komisije su utvrdili da je podnosilac prijave:

1. Udruženje veterana policije regije Goražde 1991-1995.

Podnosilac prijave/aplikacije je uz zahtjev broj: 02-58/24 od 29.05.2024. godine, dostavio sljedeću dokumentaciju:

- Rješenje o registraciji broj:UP-1:05-04-67/24 od 22.03.2024. godine izdato od strane Ministarstva za pravosuđe, upravu i radne odnose BPK-a Goražde;
- Projekat dostavljen na aplikativnom obrascu u skladu sa Javim pozivom, potpisan i ovjeren od strane predsjednika Udruženja;
- Uvjerenje o poreskoj registraciji, od 24.01.2024. godine;
- Potvrda od banke kao dokaz o aktivnom transakcijskom računu, broj:112610-39/24 od 08.02.2024. godine, izdata od strane NLB Banka d.d. Sarajevo, Poslovnica Goražde;
- Godišnji izvještaj o poslovanju za period od 01.01.2023. do 31.12.2023. godinu, kao i Zapisnik sa satanka Skupštine Udruženja veterana policije regije Goražde 1991-1995, broj: 02-11/24 od 11.03.2024., kao dokaz da je finansijski izvještaj za 2023. godinu usvojen.

Komisija konstatuje da su uredno dostavljeni svi dokumenti traženi Javnim pozivom. Time je završena prva tačka dnevnog reda.

Ad.2.

Javnim pozivom odnosno Programom o utrošku sredstava, utvrđeni su opći i posebni kriteriji za raspodjelu sredstva koje udruženja/neprofitne organizacije moraju ispunjavati.

Opći kriteriji koje moraju ispunjavati udruženja/ neprofitne organizacije su:

- da je udruženje/neprofitna organizacija registrovana na području Bosansko-podrinjskog kantona Goražde;
- Da udruženje/neprofitna organizacija imaju finansijski izvještaj za 2023. godinu;
- Projekat ili obrazložen zahtjev za odobravanje sredstava.

Posebni kriteriji koje moraju ispunjavati udruženja/ neprofitne organizacije su:

- da se radi o projektu ili zahtjevu koji doprinosi promociji Ministarstva u oblasti obilježavanja značajnih datuma pripadnika policije,
- da unaprjeđuje kulturne, sportske ili druge oblike organizovanja i saradnje udruženja/neprofitne organizacije sa istim ili sličnim udruženjima/neprofitnim organizacijama u FBiH,
- sredstva za provedbu projekata ili aktivnosti koja se traže moraju biti u granicama odobrenih budžetskih sredstava,
- Rješenje o registraciji ne starije od 6 mjeseci;
- Projekat ili zahtjev dostavljen na aplikativnom obrascu koji je sastavni dio Programa;
- Usvojeni finansijski izvještaj za prethodnu godinu.

Nakon pregleda i razmatranja svih dostavljenih dokumenata, Komisija je utvrdila da podnosilac prijave Udruženje veterana policije regije Goražde 1991-1995 ispunjava opće i posebne kriterije utvrđene Javnim pozivom, odnosno Programom o utrošku sredstava.

Komisija je pristupila ocjenjivanju i bodovanju projektnog prijedloga prema bodovnim kriterijima utvrđenim u Programu o utrošku sredstava. Projektne aktivnosti su ocjenjivane skalom bodova od 0 do 30, na način da je za svaki utvrđeni kriterij Komisija davala ocjenu između 1 i 5. Svaki član Komisije je dodijelio svoje ocjene, a ukupan broj bodova je dobijen kada se zbir ocjena dodjeljenih od svih članova Komisije podijelio sa brojem članova Komisije.

Nakon provedenog bodovanja prema utvrđenim kriterijima i na osnovu tablice za ocjenjivanje prijedloga projektnih aktivnosti koja je utvrđena Programom o utrošku sredstava, projektne aktivnosti podnosioca prijave Udruženje veterana policije regije Goražde 1991-1995 članovi Komisiji su bodovali su način kako slijedi:

Bodovni kriteriji	Ocjena (bodovi)			
	Kriterijum	Predsjednik	1.član	2.član
Da li će predložene projektne aktivnosti imati pozitivan uticaj na aktivnosti Ministarstva u pogledu doprinosa obilježavanju značajnih datuma i događaja?	5	5	5	5
Da li su razrađeni očekivani rezultati predloženih projektnih aktivnosti?	4	4	4	4
Da li je razrađen finansijski plan pojedinih predloženih projektnih aktivnosti?	5	5	5	5
Da li su sve predložene projektne aktivnosti odgovarajuće predstavljene u finansijskom planu?	5	5	5	5
Da li je obezbijedena vidljivost, promocija, korištenje i širenje rezultata ovog Programa?	4	4	4	4
Visina sopstvenih sredstava od strane aplikanta potrebna za provedbu projektnih aktivnosti?	4	4	4	4
UKUPNO BODOVA	27	27	27	81
KONAČNA OCJENA (Zbir ukupnih bodova svih članova / broj članova Komisije)	4,5			

Na osnovu dojeljenih bodova i ocjena svih članova, Komisija utvrđuje da je prijedlog projektnih aktivnosti podnosioca prijave Udruženja veterana policije regije Goražde 1991-1995 od maksimalnih 90 bodova, osvojio 81 bod, te je ocjenjen sa konačnom ocjenom 4,5.

Ad.3.

U skladu sa članom 2. Rješenja o imenovanju Komisije, Komisija je dužna da sačini Rang listu potencijalnih korisnika koju će zajedno sa Zapisnikom dostaviti ministru na dalje postupanje. Na osnovu izvršenog ocjenjivanja i bodovanja prijave, Komisija je utvrdila sljedeću Rang listu potencijalnih korisnika:


Rb.	Naziv podnosioca prijave	Ispunjenost općih i posebnih kriterija	Broj osvojenih bodova	Konačna ocjena
1	Udruženje veterana policije regije Goražde 1991-1995	DA	81	4.5

Ad.4.

U vezi sa tačkom tekuća pitanja, predsjednica Komisije je informisla prisutne da će se Zapisnik sa održane sjednice Komisije, zajedno sa Rang listom potencijalnih korisnika i kompletnim spisom predmeta koji se odnosi na predmetni Javni poziv, a u skladu sa članom 2. Rješenja o imenovanju Komisije, dostaviti ministru na dalje postupanje.

Sjednica završena u 12:00 sati.

Zapisnik vodila: Edina Subašić

**Zapisnik odobrili:**

Subašić Edina – predsjednik

Dedović Amir – član

Huseinović Admir – član





Komisija za odabir aplikacija (zahtjeva i projekata) po Javnom pozivu za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama

U skladu sa članom 2. Rješenja o imenovanju Komisije, broj:07-01-30-2997/24 od 22.05.2024. i Zapisnika Komisije broj:07-01-30-2997-3/24 od 05.06.2024. godine, Komisija s a č i n j a v a:

RANG LISTA POTENCIJALNIH KORISNIKA

po Javnom pozivu za prijavu prijedloga projektnih aktivnosti za učešće u Programu utroška sredstava Ministarstva za unutrašnje poslove Bosansko-podrinjskog kantona Goražde sa ekonomskog koda 614300 – Tekući transferi neprofitnim organizacijama

Rb.	Naziv podnosioca prijave	Ispunjenost općih i posebnih kriterija	Broj osvojenih bodova	Konačna ocjena
1	Udruženje veterana policije regije Goražde 1991-1995	DA	81	4,5

Komisija:

Subašić Edina – predsjednik

Dedović Amir – član

Huseinović Admir – član

Goražde, 05.06.2024. godine